

Službeni glasnik BiH, broj 16/20

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), a u vezi s članom 18. Zakona o ministarstvima i drugim organima uprave Bosne i Hercegovine ("Službeni glasnik BiH", br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 06/13, 19/16 i 83/17), na prijedlog Direkcije za evropske integracije, Vijeće ministara Bosne i Hercegovine, na 3. sjednici održanoj 30. 1. 2020. godine, donijelo je

ODLUKU

O IZMJENAMA I DOPUNAMA ODLUKE O OBUKAMA U OBLASTI EVROPSKIH INTEGRACIJA

Član 1.

U Odluci o obukama u oblasti evropskih integracija ("Službeni glasnik BiH", broj 50/18), u članu 4. stav (2) tačka c) riječ "minimalno" briše se.

Član 2.

U članu 5. stav (1) tačka d) riječi: "IPA II" zamjenjuju se riječima: "pretpristupne pomoći Evropske unije".

U tački e) riječi: "IPA II" zamjenjuju se riječima: "programiranja pretpristupne pomoći Evropske unije".

U tački f) riječi: "IPA II: proces pripreme, svrha i karakteristike dokumenata" zamjenjuju se riječima: "pretpristupne pomoći Evropske unije".

Tačka j) mijenja se i glasi:

"j) Vještine komunikacije na engleskom jeziku u procesu evropskih integracija".

Iza tačke j) dodaju se nove tač. k) i l) koje glase:

"k) Pregovaranje u procesu pristupanja Evropskoj uniji

l) Programi teritorijalne saradnje".

Član 3.

U članu 9. stav (1) iza riječi: "Komuniciranje o procesu evropskih integracija" dodaje se interpunkcijski znak zarez, veznik "i" briše se, tačka j) mijenja se i glasi: "j) Vještine komunikacije na engleskom jeziku u procesu evropskih integracija", a iza tačke j) dodaju se riječi: "i k) Pregovaranje u procesu pristupanja Evropskoj uniji".

U stavu (2) iza riječi: "Prevođenje i redaktura pravnih propisa u procesu evropskih integracija" dodaje se interpunkcijski znak zarez, veznik "i" briše se, tačka j) mijenja se i glasi: "j) Vještine komunikacije na engleskom jeziku u procesu evropskih integracija", a iza tačke j) dodaju se riječi: "i k) Pregovaranje u procesu pristupanja Evropskoj uniji".

U stavu (3), iza riječi: "Prevođenje i redaktura pravnih propisa u procesu evropskih integracija" dodaje se interpunkcijski znak zarez, veznik "i" se briše, a iza riječi: "Vještine izvještavanja za potrebe procesa evropskih integracija" dodaje se interpunkcijski znak zarez i riječi: "j) Vještine komunikacije na engleskom jeziku u procesu evropskih integracija i k) Pregovaranje u procesu pristupanja Evropskoj uniji".

Stav (4) mijenja se i glasi:

"Za članove tijela u sistemu koordinacije procesa evropskih integracija i ostalih struktura uspostavljenih za potrebe procesa evropskih integracija i državne službenike koji obavljaju poslove strateškog planiranja, programiranja, monitoringa i evaluacije pomoći EU, relevantne su obuke utvrđene u tačkama: d) Strateško planiranje u kontekstu programiranja pretpristupne pomoći Evropske unije, e) Upravljanje projektnim ciklusom i priprema projekata za potrebe programiranja pretpristupne pomoći Evropske unije, f) Priprema specifičnih dokumenata za korištenje pretpristupne pomoći Evropske unije, j) Vještine komunikacije na engleskom jeziku u procesu evropskih integracija, k) Pregovaranje u procesu pristupanja Evropskoj uniji i l) Programi teritorijalne saradnje stava (1) člana 5. ove odluke."

Član 4.

U članu 13. iza stava (6) dodaje se novi stav (7) koji glasi:

"(7) Na simulaciju obuke pred Komisijom pozivaju se kandidati koji ostvare minimalno pet bodova na osnovu kriterija iz tač. a), c), d) i e) stava (1) ovog člana."

Dosadašnji st. (7), (8) i (9) postaju st. (8), (9) i (10).

Član 5.

U članu 14. iza stava (1) dodaju se novi st. (2), (3), (4) i (5) koji glase:

(2) "Predavač može ostvariti maksimalno jedan predavački angažman mjesečno. Izuzetno, jedan predavač može ostvariti maksimalno dva predavačka angažmana u jednom mjesecu ako nije moguće organizirati obuku zbog neprihvatanja angažmana ostalih predavača za konkretnu obuku ili spriječenosti predavača u smislu člana 16. stav (6) ove odluke.

(3) Jedan predavački angažman podrazumijeva samostalno izvođenje obuke u trajanju od jednog dana, odnosno maksimalno osam akademskih sati.

(4) Za obuke za koje se angažiraju kopredavači, jedan predavački angažman podrazumijeva zajedničko izvođenje cjelokupne obuke u ukupnom trajanju propisanom silabusom konkretne obuke. Direkcija zadržava pravo da odredi za koju obuku je potrebno angažirati kopredavače.

(5) Redosljed ponude angažmana utvrđuje se primjenom kriterija propisanih u stavu (1) ovog člana, na dan slanja ponude predavaču."

Član 6.

U članu 16. stav (1) broj "15" zamjenjuje se riječju "pet".

U stavu (6) riječi: "duže od tri mjeseca" brišu se.

Član 7.

U članu 17. stav (1) tačka b) iza riječi "angažman" dodaju se riječi: "za konkretnu obuku".

U stavu (2) iza riječi: "statusa predavača" dodaju se riječi: "za konkretnu obuku", riječi: "na obukama" brišu se, a iza riječi "Direkcije" dodaju se riječi: "za obuku za koju je izgubio status predavača".

Član 8.

Iza člana 22. dodaje se novi član 22a. koji glasi:

"Član 22a.

(Prijelazne odredbe)

Predavači certificirani u skladu s odredbama Odluke o obukama u oblasti evropskih integracija ("Službeni glasnik BiH", broj 50/18) zadržavaju status certificiranog predavača, kako slijedi:

- a) Predavači certificirani za obuku Strateško planiranje u kontekst programiranja IPA II zadržavaju status certificiranih predavača za obuku Strateško planiranje u kontekstu programiranja pretpristupne pomoći Evropske unije.
- b) Predavači certificirani za obuku Upravljanje projektnim ciklusom i priprema projekata za potrebe IPA II zadržavaju status certificiranih predavača za obuku Upravljanje projektnim ciklusom i priprema projekata za potrebe programiranja pretpristupne pomoći Evropske unije.
- c) Predavači certificirani za obuku Priprema specifičnih dokumenata za korištenje IPA II zadržavaju status certificiranih predavača za obuku Priprema specifičnih dokumenata za korištenje pretpristupne pomoći Evropske unije.
- d) Predavači certificirani za obuku Vještine komunikacije i pregovaranja u procesu evropskih integracija na engleskom jeziku zadržavaju status certificiranih predavača za obuku Vještine komunikacije na engleskom jeziku u procesu evropskih integracija."

Član 9.

Ova odluka stupa na snagu danom donošenja i objavljuje se u "Službenom glasniku BiH".

VM broj 4/20
30. januara 2020. godine
Sarajevo

Predsjedavajući
Vijeća ministara BiH
Dr. **Zoran Tegeltija**, s. r.